

FAQ SÈRBITZIUS SOTZIALIS PUNNAS 2012

1. Cali funt is arrechisius po podi gosai de sa L.162/98?

R. Teni una certificatzioni L.104/92, comma 3, art.3, anca s'atestat sa cundizioni de handicap gravi;
Essi arresidendi in su Comunu innui si mandat s'arrechesta de L.162/98;

2. Cali funt is documentus chi tocat a intregai a su Comunu po podi benefiziai de sa L.162/98?

R. L.104/92, comma 3, art.3;
ISEE (Inditadori de sa situatzioni econòmica echivalendi) bàllidu chi pertocat is arrèditus de su/sa chi fait arrechesta isceti;
Ischeda de saludi chi su mèigu de famillia cosa sua cumpilat;

3. S' ischeda de saludi bolit aggiornada ònnia annu e si podit intregai sa pròpia de s'annu passau?;

R. Chi no acuntessint mudaduras de importu in s'istadu de saludi de su/sa chi fait arrechesta andendi peus s'autonomia, si podit torrai a intregai cussa de s'annu passau.

4. E chi est chi lassat s'ISEE e ita totu documentus chi bolint po ddu teni?

R. S'ISEE ddu lassat unu CAF e po ddu lassai serbint:

- datus anagràficus e còdixi fiscali de totu is chi faint parti de su nùcreu familliaris (incapitendi portadoris de handicap a vida gravi o invalididadi chi sartat su 66% certificau de invalididadi o arreconoscimentu de s'handicap)
- documentu de arreconoscimentu bàllidu de su/sa chi deccarat
- s'arrèditu in totu de su nùcreu familliaris deccarau po IRPEF e IRAP
- deccarazioni ICI o datus catastalis chi pertocant su patrimoniu immobiliari de su nùcreu familliaris

5. E chi est chi podit pediri su serbìtziu de Assistèntzia Domiciliari?

R. Personas chi tenint s'arresidèntzia e domiciliu in su Comunu de Simaba, chi s'agatant me in is cunditionis chi sighint:

- non si podint atendi de sei po nexi de unu istadu de maladia o de invalididadi e chi ndi ocasionat una sèmpiri prus pagu autosuficèntzia po unu tanti de tempus o chi sighit;
- personas solas chi bivint in una situatzioni de isolamentu;
- personas chi non disponint de bastanti assistèntzia de parti de is familliaris, in mesu a totu po su chi pertocat a is fillus chi bivint impari e non, po nexi de impedimentu apurau de parti de custus ùrtimus (aussèntzia po faina/traballu, istadu de maladia, e sighendi)

6. Su serbìtziu de Assistèntzia Domiciliari si ponit in contu finas po su domigu?

R. Su serbìtziu de Assistèntzia Domiciliari si ponit in contu po su domigu, totu is diis de festa e fait a ddu teni finas a de noti, ndi ocasionat de totu custu un'aumentu de is costus de sa cuntribuzioni.

7. S'at a podi fai gestiri, in logu de gestioni non dereta, sa L.162/98 de unu parenti?

R. Segundu is inditus de sa regioni si lassant a foras de sa gestioni non dereta totu is parentis chi bivint impari e cussus chi funt in s'art. 433 de su c.c.

8. Fait a gosai impari de is finantziamentus de sa L.162/98 e "Torrai a domu"?

R. Is duus progetus non cuncordant a pari. Est su/sa chi fait arrechesta chi podit iscioberai cali ddi cumbenit de prus.

9. Po is arrembursus de is benefitzius chi ispetant a chi est tocau de neoplasias e po is talassèmicus, nefropàticus e trapiantaus de figau/carrisàpida su tanti prus artu de arrèditu chi decidit sa Regioni est de cunsiderai lordu o netu?

R. Po is arrembursus de is benefitzius chi ispetant a personas tocadas de neoplasias e po is talassèmicus, nefropàticus e trapiantaus de figau/carrisàpida s'arrèditu tocat de ddu cunsiderai netu e su càrculu ndi bessit boghendi de s'imponibili totu is impostas comentis a s'IRPEF, adizionali Comunu, regionali e sighendi.

10. E chi est chi podit intrai a su serbìtziu Cìvicu Comunali?

Totu is sugetus cun ISEE (Inditadori de sa situatzioni econòmica echivalendi) prus bàsciu de €. 4.500,00 sena de fai nudda o chi apant pèrdiu su traballu e funt sena de cobertura de asseguratzioni o de cali si siat forma de tutela de parti de àterus entis pùblicas e chi torrunt àbilis a su traballu, chi faint parti de categorias isbantagiadas (is chi fiant detenutus e is chi fiant tossigudipendentis) bastit chi non funt agiudaus in manera differenti.